

1 Cientistas occide

2 Papa Natal

3 PER THOMAS BREINSTRUP



4 LE MUNDO

5 Le belle mythos de Natal es puncturate
6 per le scientia. Retro sta gente disillusio-
7 nate – si illes non decide *non* audir lo que le scientistas dice...

8 Le magazin Spy Magazine ante annos investigava, si Papa Natal de
9 facto es un esser rationabile. Qui es iste senior vetere, mal vestite e
10 troppo grasse? Esque ille existe? Le resultado es triste ma pote esser
11 summarisate in septe punctos.

12 Nulle species cognite de renes pote volar. Totevia existe plus que
13 cinque milliones species non-classificate, e mesmo si le majoritate es
14 algas, scarabeos etc., on non pote excluder renes volante, que solmente
15 Papa Natal ha vidite.

16 Il ha circa duo milliardos infantes de minus que 18 annos. Ma pois
17 que Papa Natal probabilemente non da presentes a musulmanes,
18 hindus, judeos e buddhistas, le cifra se reduce a 378 milliones. Secun-
19 do le Naciones Unite il ha 3,5 infantes per familia, dunque 91,8 millio-
20 nes casas. On assume que il ha al minus *un* bon infantes in cata casa.

21 Papa Natal ha 31 horas pro su labor, gratias al zonas temporal e le
22 rotation del Terra. On debe assumer que ille labora ab est a west. Isto
23 significa que ille ha 822,6 visitas per secunda. Exprimito in un altere
24 maniera, Papa Natal ha 1/1.000 secunda pro parcar, saltar del slitta a in
25 le camino, plenar le calcettas, poner le presentes sub le arbore, mangi-
26 ar lo que on ha ponite pro ille, retornar per le camino a in le slitta e
27 continuar.

28 Si on assume que omne casas es distribuite equalmente in tote le
29 Terra, il ha in media 1,2 km inter duo casas. Assi le longor del viage
30 essera 114 milliones kilometros. Isto significa que Papa Natal debe
31 mover se con un poco plus que 1.000 km/secunda, ca. 3.000 vices plus
32 rapidemente que le sono. Pro comparar, le satellite le plus veloce
33 create per humanos, Ulysses, se move per 44 km/secunda, e un ren se
34 move per al maximo sex metros/secunda.

35 Si cata infante recipe un cassa de Lego in medie grandor, le slitta
36 debe contener 312.300 tonnas (exclusive Papa Natal qui in se es assatis
37 pesante). Normalmente un ren – sur Terra – pote traher circa 150
38 kilos.

39 Si on assume que renes volante (assumente que tales existe) pote
40 traher dece vices iste amonta, on non debe usar un, duo o octo renes
41 ma 214.200 renes. Isto adde al peso del slitta con 353.000 tonnas. Pro
42 comparar, isto es quatro vices le peso de Queen Elizabeth II (le nave!).

43 353.000 tonnas que se move per 1.000 km/secunda dara un friction
44 formidabile. De facto in le mesme grandor como illo que incontra un
45 nave spatial que retorna al atmosphaera del Terra. Le renes in avante
46 debe absorber 14,3 quintrilliones joules de energia – per secunda,
47 naturalmente. E cata uno de illos. Brevemente dicite, illos essera
48 occidite per le flammas lo que pois va occurrer pro le renes detra illos,
49 durante que on audira un explosion supersonic sin equal. Tote le
50 equipa essera pulverisate durante 4/1.000 de un secunda. Papa Natal
51 essera simultaneamente exponite a un fortia centrifugal 17.000 vices
52 plus grande que le gravitation del Terra.

53 Le conclusion es que si Papa Natal jammais ha distribuite presentes
54 al vespere de Natal, ille ha morite ora.

55 Felice Natal!

Pro tu notas